

প্রচলিত আযানের শরয়ী বিধান

বর্তমানে আমাদের দেশে অধিকাংশ মসজিদে লক্ষ্য করা যায় যে, আযানের মধ্যে মাদ্দের (টানের) ক্ষেত্রে বাড়াবাড়ি করা হয়। তাজবীদের কায়দা অনুসরণ না করেই যেখানে এক আলিফ থেকে বেশি টানা নিষেধ সেখানে তিন চার আলিফ পর্যন্ত টানা হয়। আর যেখানে শেষে তিন আলিফ মাদ্দ আছে সেখানে মুআযিয়ানের দম শেষ না হওয়া পর্যন্ত টানতে থাকে। অথচ নির্ভরযোগ্য কিতাবসমূহে এই তরীকার আযানকে নিকৃষ্ট বিদ‘আত ও মাকরুহে তাহরীমী পর্যন্ত বলা হয়েছে। এবং এই ধরণের আযানদাতাকে জাহিল আখ্যায়িত করা হয়েছে। এ সম্পর্কে নিম্নে নির্ভরযোগ্য কয়েকটি কিতাবের উদ্ধৃতি উল্লেখ করা হলো:

১. وحده مقدار الف وصلًا و وقفًا ونقصه عن الف حرام شرعًا فيعاقب على فعله ويثاب على تركه فما يفعله بعض ائمة المساجد واكثر المؤذنين من الزيادة في المد الطبيعي عن حده العرفي اى عرف القراء فمن اقبح البدعة واشد الكراهة لاسيما وقد يقتضى بهم بعض الجهلة من القراء. نهاية القول المفيد في علم التجويد للشيخ محمد مكي نصر ص (١٣٥١ كلمات اذان مين مد كى تحقيق لابي الحسن الاعظمى, مجالس ابرار ص(١٥٥)

আনুবাদ: মাদ্দে তুব্বাঈর পরিমাণ হল এক আলিফ। চাই তাতে ওয়াক্ফ করা হোক বা মিলিয়ে পড়া হোক। মাদ্দে তুব্বাঈতে এক আলিফ থেকে কম টানা হারাম। কেউ এমনটা করলে তাকে পাকড়াও করা হবে। আর এক আলিফ থেকে কম টানা ছেড়ে দেওয়ার কারণে সাওয়াব লেখা হবে। কাজেই কিছু কিছু মসজিদের ইমামগণ এবং অধিকাংশ মুআযিয়নগণ মাদ্দে তুব্বাঈকে কিরাআতের পরিভাষায় তার প্রচলিত সীমা থেকে বেশি টেনে থাকেন এটা নিকৃষ্টতম বিদ‘আত এবং শক্ত পর্যায়ে মাকরুহ। বিশেষত যখন তাদেরকে কিছু মূর্খ কারীগণ অনুসরণ করে থাকেন। নেহায়াতুল কাওলুল মুফীদ ফী ইলমিত তাজবীদ পৃ. ১৬৬ (কালিমায়ে আযান মে মাদ্দ কি তাহকীক, মাজালিসে আবরার পৃ. ১৩৫)

২. فانه لايجوز قصر احدهما عند جميع القراء ولو قرأ بالقصر يكون لنا حليًا و خطأ فاحشًا مخالفًا لما ثبت عن النبي صلى الله عليه وسلم بالطرق المتواترة, و كذا اذا زاد في المد الاصلى والطبعى على مد العرفى من قدر الف بان جعله قدر الفين او اكثر كما يفعله اكثر الائمة من الشافعية و الحنفية فى الحرمين الشريفين فانه محرم قبيح لاسيما وقد يقتدى بهم بعض الجهلة و يستحسن ماصدر عنهم من القراء. (المنح الفكرية شرح مقدمة الجزرية ص(٥٦)

আনুবাদ: মাদ্দে ওয়াজিব এবং মাদ্দে লায়মে সকল কারীদের নিকট মাদ্দ ছেড়ে দেওয়া বা কম করা নাজায়েয। যদি তা মাদ্দ ছাড়া পড়া হয় তাহলে লাহনে জলী এবং মারাত্মক ভুল হবে এবং নবীজী সাল্লাল্লাহু ‘আলাইহি ওয়া সাল্লাম থেকে মুতাওয়াতিরভাবে যা প্রমাণিত তার বিপরীত হবে। অনুরূপ হুকুম হবে যখন মাদ্দে আসলী ও মাদ্দে তুব্বাঈকে এক আলিফ থেকে বেশি টানা হবে। অর্থাৎ দুই আলিফ বা তার চেয়ে বেশি টানা হয়। যেমনটি করে থাকে হারামাইন শরীফাইনের হানাফী ও শাফেয়ী মাযহাবের অধিকাংশ ইমামগণ। এটা নিকৃষ্ট হারাম... (আল মিনাছল ফিকরিয়্যাহ শরহ মুকদ্দামাতিল জায়রিয়্যাহ পৃ. ৫৬)

৩. ویتزل فيه اى يتهمل بلا لحن وترجيع... فلا ينقص شيئًا من حروفه ولايزيد من كفاءات الحروف كالحركات و السكنات و المدات و غير ذلك لتحسين الصوت. شرح الوقاية ١/٥٨

আনুবাদ: আর আযান দিবে ধীরে ধীরে কোনো লাহন (মাদ্দের অতিরিক্ত টানা) ও তারজী (প্রথমে আস্তে পরে বড় আওয়াজে বলা) ছাড়া। সুতরাং আযানের মধ্যে কোনো হরফ কমাতে না এবং তার মধ্যে কোনো হরফ বাড়াতে না। অনুরূপভাবে আওয়াজকে সুন্দর করার জন্য হরফের অবস্থার মধ্যে বাড়াতে-কমাতে না যেমন: হরকত, সাকিন, মাদ্দ ইত্যাদি। (শরহে বেকায়্যা ১/১৩৪)

উল্লেখ্য এখানে স্পষ্ট বলা হয়েছে যে, আযানের মধ্যে মাদ্দ বাড়াতে না কমাতে না। সুতরাং আল্লাহ আকবার এর লামের মধ্যে এক আলিফ মাদ্দকে অধিকাংশ মুআযিয়নগণ যে ৩/৪ আলিফ টানতে থাকেন তা নিঃসন্দেহে ভুল এবং সুন্নাতের খেলাফ।

৪. والتزجيع بالقران و الاذان بالصوت الطيب طيب ان لم تزد فيه الحروف وان زاد كره له. الدر المختار ٩/٦٠٨

আনুবাদ: সুমিষ্ট আওয়াজে টেনে টেনে কুরআন পড়া এবং আযান দেয়া উত্তম যতক্ষণ না তার ভেতর হরফ বাড়ানো হয়। আর যদি হরফ বাড়ানো হয় তবে তা মাকরুহ। আদুরুল মুখতার ৯/৬০৪

আর একথা স্পষ্ট যে, মাদ্দকে তার গন্ডি থেকে বাড়িয়ে দিলে অবশ্যই সেখানে কোনো না কোনো হরফ বৃদ্ধি পাবে। যা জ্ঞানী ব্যক্তি মাদ্দই বুঝতে সক্ষম।

৫. وفي الذخيرة وان كانت الالحان لاتغير الكلمة عن وضعها و لاتؤدى الى تطوىيل الحروف التى حصل التغنى بها حتى يصير الحرف حرفين بل لتحسين الصوت و تزيين القراءة لايوجب فساد الصلاة و ذلك مستحب عندنا فى الصلاة و خارجها. رد المختار ٩/٦٠٨

অনুবাদ: যদি সূর শব্দের গঠনে পরিবর্তন না আনে এবং হরফকে লম্বা না করে যেমন: এক হরফকে দুই হরফ বানিয়ে দেয়া; বরং সূর আওয়াজ ও কিরাআতের সৌন্দর্য করণের জন্য হয় তাহলে, তা নামাযকে ফাসেদ করবে না। এটা আমাদের নিকট নামাযে এবং নামাযের বাহিরে মুস্তাহাব। (রদ্দুল মুহতার ৯/৬০৪)

٥. ويكره التلحين و هو التغنى بحيث يؤدي الى تغيير كلماته كذا في شرح المجمع لابن الملك و تحسين الصوت للاذان حسن ما لم يكن لنا كذا في السراجية.
الفتاوى الهندية ٥٦/٥

অনুবাদ: তালহীন করা মাকরুহ। আর তালহীন হলো এমনভাবে সূর দেয়া যে, তা শব্দের গঠনে পরিবর্তন আনে। আযানের জন্য আওয়াজকে সুন্দর করা পছন্দনীয়, যতক্ষণ না তা শব্দের ভেতর পরিবর্তন নিয়ে আসে। (ফাতাওয়ায়ে আলমগিরী ১/৫৬)
উল্লেখ্য মাদ্দের মধ্যে কম-বেশি করলে শব্দের গঠনের ভেতর পরিবর্তন আসে। সুতরাং প্রত্যেক মাদ্দকে তার নিয়ম অনুযায়ী টানা জরুরী। সূর করার জন্য বেশি টানা যাবে না।

٩. قال الشيخ الكنوي في السعاية على قول شرح الوقاية: قوله فلا يتقص شيئا من حروفه الخ هذا بظاهره يفيد انه يكره التلحين في جميع كلمات الاذان و عليه الجمهور. السعاية ١٥٤/١

অনুবাদ: শরহে বেকায়ার উক্তি ‘সুতরাং আযানের হরফসমূহের মধ্যে কোনো হরফকে (যেখানে মাদ্দ আছে সেখানে মাদ্দ না করার দ্বারা) কমাবে না...’ উল্লেখিত উক্তি দ্বারা স্পষ্টভাবে বুঝে আসে যে, আযানের যেকোনো বাক্যে কোনো হরফকে পরিবর্তন করা মাকরুহ। আর এটাই জমহূরের মত। (আসসিয়ায়াহ ১/১৫)

٢. التغنى و التزم في الاذان بالطريقة المعروفة عند الناس في زما ننا هذا لايقرها الشرع لانه عبادة يقصد منها الخشوع لله تعالى ... الحنفية قالوا: التغنى بالاذان حسن الا اذا ادى الى تغيير الكلمات بزيادة حركة او حرف فانه يجرم فعله ولايجل سماعه. كتاب الفقه على المذاهب الاربعة ٣١١/١

বর্তমানে প্রচলিত নিয়মে যেভাবে আযান দেওয়া হয়, শরীয়ত তা সমর্থন করে না। কারণ আযান এমন একটি ইবাদত যার মধ্যে খুশু-খুযু কাম্য। হানাফীদের নিকট সুন্দর আওয়াজে আযান দেওয়া উত্তম। তবে এটা যেন শব্দের মধ্যে পরিবর্তন না আনে যেমন, হরকত বা হরফ বাড়িয়ে দেওয়া। কারণ এমনটি করা হারাম এবং এমন আযান শোনা তথা সমর্থন করা জায়েয নয়।

৯. বুখারী শরীফের কিতাবুল আযানে আছে হযরত উমর বিন আব্দুল আযীয রহ. যিনি এই উম্মতের প্রথম মুজাদ্দিদ ছিলেন তিনি তার মুআযিয়নকে বললেন, ‘اذن اذا ناسمحا والا فاعتزلنا’ ‘সাদাসিধে আযান দাও অন্যথায় আযান দেওয়া বন্ধ করো’। (বুখারী শরীফ, কিতাবুল আযান, বাবু রফউস সাওতি বিহিন্দা)

বর্তমান যামানায় মাদ্দের মধ্যে বৃদ্ধি করে যেভাবে রং-ঢং এর আযান দেওয়া হচ্ছে আবার অনেকে গানের সুরে আযান দিচ্ছে তা কোনো অবস্থায় বুখারী শরীফের এই হাদীস অনুযায়ী হচ্ছে না। বরং তা মুআযিয়নদের খামখেয়ালী ও মনগড়া খেলাফে সুন্নাত আযান। নবীজী সাল্লাল্লাহু ‘আলাইহি ওয়া সাল্লাম এর সুন্নাতের অনুসারীদের জন্য বিষয়টি গুরুত্ব সহকারে অনুধাবন করা উচিত এবং সর্বত্র সাদাসিধে সুন্নাত তরীকার আযান চালু করা উচিত।

অনেকে কারী ফাতাহ মুহাম্মাদ রহ. এর কিতাব ‘মেফতাহুল কামাল শরহ তুহফাতিল আতফাল’ এর বরাত দিয়ে মুফীদুল আকওয়াল এবং ফাতহুল মালিকিল মুতাআ‘ল নামক কিতাবদ্বয়ের নিম্নোক্ত এবারত পেশ করে থাকেন:

وله سبب معنوى كالتعظيم ولاجله اجاز الفقهاء مد الف الجلالة اربع عشرة حركة في الله اكبر.

‘মাদ্দের আভ্যন্তরীণ কারণ রয়েছে যেমন মাদ্দে তা‘যীম। আর এ কারণেই ফুকাহায়ে কেলাম আল্লাহু আকবারে আল্লাহু শব্দে সাত আলিফ পর্যন্ত টানার অনুমতি দিয়েছেন।’ অথচ ফিকহের নির্ভরযোগ্য কোনো কিতাবে কোনো ফকীহ আল্লাহু আকবার এর আল্লাহু শব্দে সাত আলিফ পর্যন্ত টানার অনুমতি দিয়েছেন এমনটি পাওয়া যায় না।

আর আল্লাহু শব্দকে মিলিয়ে পড়ার সময় সাবাবে মা‘নাবী এর কথা বলে এক আলিফ থেকে বেশি টানা একাধিক কারণে সঠিক নয়:

১. এটা একটা দুর্বল কারণ অর্থাৎ সাবাব টি সাবাবে যয়ীফ।

২. আহলে আরব সাবাবে মা‘নাবী এর কারণে যে মাদ্দে তা‘যীম এর কথা বলে থাকে তা লায়ে নাফী জিঙ্গ এ ব্যবহৃত হয়। যাতে নাফী এর মধ্যে মুবালাগা হয়। যেমন: لا اله الا انت. মুহাক্কিক ইবনুল জায়রী রহ. মাদ্দে তা‘যীমীকে আল্লাহু শব্দে বলেননি। তিনি বলেন,

واما السبب المعنوى فهو قصد المبالغة فى النفى وهو سبب قوى مقصود عند العرب وان كان اضعف من السبب اللفظى عند القراء ومنه مد التعظيم نحو لاله
الاله, لاله الاهو

‘আর মাদ্দের আভ্যন্তরীণ কারণ, তা হল না সূচককরণকে অতিরঞ্জন করা। এটা আরবদের নিকট একটা শক্তিশালী কারণ। যদিও তা কারীদের
নিকট শাব্দিক কারণ থেকে দুর্বল। আর এর মধ্য থেকে হচ্ছে মাদ্দে তা‘যীম যেমন لاله الااله, لاله الاهو’

এ ধরনের কিছু ইবারত দেখে মানুষ আযানের মধ্যেও মাদ্দে তা‘যীম এর কথা বলে আল্লাহ্ শব্দে মিলিয়ে পড়ার সময়ও টান শুরু করে দেয়।
অথচ এই মাদ্দ লায়ে নাফী জিন্স এর জন্য প্রযোজ্য।

৩. এটা ইমাম শাতেবী রহ. এবং জমহূর কারীদের নিকট আমলযোগ্য নয়।

৪. অধিকাংশ উলামাদের মতে আল্লাহ্ শব্দে মিলিয়ে পড়ার সময় এক আলিফ থেকে বেশি টানা শুধু নাজায়েয নয় বরং নিকৃষ্ট বিদ‘আত বলা
হয়েছে। আর কেউ কেউ জায়েয বলেছেন। আর মূলনীতি হলো, যখন কোনো বিষয়ে জায়েয ও নাজায়েয এর মধ্যে সংঘর্ষ হয় তখন না
জায়েযকে প্রাধান্য দেওয়া হয়।

অনেকে তাআমুল এর কথা বলে এটা জায়েয বলতে চায়। অথচ যে কোনো তাআমুল দলীল নয়। তাআমুল দলীল হওয়ার জন্য শর্ত হলো তা
নস (দলীল) এর খেলাফ না হওয়া। আর উপরে আযান সম্পর্কে স্পষ্ট দলীল উল্লেখ করা হয়েছে। তাই এই দলীল এর বিরুদ্ধে তাআমুল
গ্রহণযোগ্য নয়।

সারকথা হলো আযানে আল্লাহ্ আকবারের আল্লাহ্ শব্দের লাম এর মধ্যে মাদ্দে তবাইঈ অর্থাৎ এক আলিফ টান হবে। এখানে এক আলিফ থেকে
বেশি টানা যাবে না। হ্যাঁ, আল্লাহ্ শব্দ যখন বাক্যের শেষে আসে অনুরূপভাবে الصلاة, الفلاح, তে মাদ্দে আরেযীর কারণে আমাদের কিরাআতে
তিন আলিফ এবং অন্য মাযহাব মতে পাঁচ আলিফ পর্যন্ত টানা জায়েয আছে। আল্লাহ্ তা‘আলা আমাদেরকে সঠিক জিনিস জানার ও মানার
তাওফীক দান করুন। আমীন।